

### 為杜德偉時裝騷行catwalk



杜德偉感謝陳小春為他獻出第一次!

香港文匯報訊 杜德偉 (Alex) 前晚在杭州順利舉行首個自家品牌創作MNA時裝騷, Alex眼光獨到, 找來好友陳小春為時裝show壓軸出場, 掀起整晚的高潮, 所有嘉賓都舉機拍照狂歡, 令時裝騷成功演出。事後, 小春直言好緊張, 驚有肚痛又驚甩褲, 他更形容行完幾分鐘catwalk, 如像唱完半個鐘頭演唱會般勞心勞力。

# 陳小春緊張飆汗 驚甩褲

第一次行catwalk的小春, 完show後接受訪問:「我仲流緊汗, 行之前唔知自己要望邊度, 最後唔諗嘞, 昂然大步挺胸行就算嘞! 好彩有音樂, 如果有音樂, 真係騰呀! 行完幾分鐘catwalk, 好似唱完半個鐘頭演唱會咁!」Alex馬上反問:「係唔係呀?」小春說:「真係! 唔係講笑! 我picture唔到個畫面係點, 如果台下有人有反應咁點算呢? 又驚有肚痛又驚條褲會甩……」Alex回應:「我啲衫點會呢?小春又咁fit! 真係好多謝小春, 因為他獻出第一次, 但佢完全駕馭到套衫, 佢一行出場全場哄動, 有小春成個show真係生色不少!」

### 志偉 B哥投訴無份上T台

而其他好友曾志偉、鍾鎮濤 (B哥) 則投訴:「點解只係叫小春, 唔叫我哋行呀?」Alex說:「下次要幫曾志偉設計衣服, 揀套短度闊封佢!」Alex再問小春, 下次是否願意再幫手行騷, 小春爽快回答:「冇問題!」Alex說:「朋友就係咁樣啦!」

Alex創立了10年的時裝品牌MNA, 今次重新啟動MNA, 找來日本設計造型師Norio Sato合作, 兩人一拍即合, 順利完成首季時裝騷。事後Alex也特別感謝兩位好友美國舞者Jabari Timmons及吉他手劉吉寧演出, 為MNA時裝秀打響頭炮。

多位好友包括梁家輝夫婦、志偉、陳小春、B哥夫婦、葉童夫婦、上山詩鈞、巫啟賢等均現身支持, 場面星光熠熠。一班好友看得非常投入, 搖滾之友梁家輝及B哥邊聽着由Alex挑選的音樂, 一邊打拍子; 葉童不時拿出手機拍下時裝, 而志偉更鬼馬地解說:「MNA, 即係 Man and Animal!」完show後, Alex與一班好友舉行after party慶功, 舉杯暢飲!




杜德偉獲大班團中好友現身支持, 場面星光熠熠。

## 驚 甩 褲

陳小春為時裝騷壓軸出場。



梁家輝夫婦、曾志偉、鍾鎮濤夫婦、葉童夫婦等坐在台下欣賞時裝騷。



金在煥將第一次以個人身份來港開見面會。

## 努力排舞為見面會備戰 金在煥認一度不適應solo


香港文匯報訊 (記者 凡文) 韓國限定男團Wanna One出身的男歌手金在煥將於7月30日假九展匯星舉行香港粉絲見面會, 近日他接受香港文匯報訪問, 大談以個人身份發展的心情。對於第一次以個人身份來港開見面會, 金在煥坦言心情非常激動, 想快點跟香港的WIN:D (金在煥粉絲名) 見面。他透露為了是次見面會, 正很努力地排舞。問他可有驚喜表演給港迷嗎? 他大責關子道:「我很努力準備演唱及舞蹈, 請大家一定要期待!」

Wanna One雖然已各奔東西, 但金在煥亦不時為前隊友們的見面會站台, 感情可見一斑, 金在煥表示他們之間會有一個群組, 主要在那裡聊天, 保持聯絡。金在煥樂於活躍氣氛、愛搞怪的性格, 相信也是人緣好的關鍵, 他也

自認屬於樂天派。之前一直以團隊活動, 今年開始solo發展, 金在煥坦言也曾一度感到不習慣:「一開始在休息室內真是不習慣。最近因為跟工作人員聊天, 覺得很有趣, 所以適應多了。」金在煥曾被韓媒評選為全能主唱男愛豆第三位, 問他哪些歌手是其學習對象? 他謙虛謂:「我覺得全部歌手都很有型及做得很好, 所以都很想跟他們去學習。」而他現在想就自己做的音樂更加努力, 以及多多學習音樂。

### 新歌奪冠 抱恙演出

此外, 金在煥本月20日推出首張Solo專輯《Another》, 前日他憑主打歌《Begin Again》在音樂節目《THE SHOW》奪冠, Wanna One前隊友李大輝與朴祐鎮有份組成的男團AB6IX亦同場, 得悉金在煥奪冠後, 也上前送抱祝賀。不過, 有指金在煥當日發熱抱恙現身, 並



金在煥自認屬於樂天派。

憑主打歌《Begin Again》, 金在煥奪冠。

相當敬業堅持至演出後才入院求診。而昨日金在煥再憑《Begin Again》奪得音樂節目《Show Champion》的第一位, 他更開心激動得跪謝粉絲!

## 談山旻晃旅行地 馮允謙想遊不丹

香港文匯報訊 唱作人馮允謙 (Jay) 出爐新歌《山旻晃》, 承接上一首作品《聲音導航》以旅遊比喻人生, MV導演亦「連戲」繼續由Rubber Band的6號執筒。在上次的MV裡飾演旅行社老闆的Jay, 遇到一對窮遊小情侶, 比喻初投入社會的年輕人迷失和惆悵。而今次新歌《山旻晃》MV, 有一位伯伯找上門, 他為履行與已離去伴侶的承諾, 決定一人遊不丹, 比喻愛要及時。

談到最初聽到歌名《山旻晃》時, Jay笑說:「太繞口啦, 我讀过好多次先至唔, 不過當我明白呢個歌名係比喻一個遙遠的理想, 甚至未必得到其他人認同嘅夢想, 唔可以因為困難就諸多藉口去放棄。」就好像「山旻晃」一樣好刁鑽, 不過夢想成真的時候的確令人興奮。原來Jay最初接到新歌時很開心和興奮, 因為這是他的夢想班底, 他說:「好開心新歌班底陣容強勁, 有監製和有份編曲嘅Randy (周錫漢), 作曲王菀之 (Ivana), 黃偉文 (Wyman) 填詞。Randy亦都係上次《聲音導航》監製之一, Ivana係我好喜愛嘅唱作人, 佢所有作品我都有好好欣賞, 好鍾意佢嘅歌。而Wyman大師級嘅歌詞, 我一直都希望唱到佢寫嘅詞。今次呢個班底好正, 係我嘅夢想。」

新歌MV裡, Jay繼續飾演旅行社老闆, 幫助伯伯履行亡妻的旅行夢, 他說:「有時候夢想就好像想去一個地方就即刻行動, 唔好等機會錯過, 甚至乎嗰個地方唔再存在嘅時候後悔。」原來不丹就是Jay心目中的山旻晃旅行計劃目的地, 他說:「我希望完成今年出唱片嘅project之後, 明年可以去不丹旅行, 帶埋《山旻晃》去歌詞提到嘅不丹, 一個曾經被譽為全世界最快樂嘅國家, 我想去感受一下, 仲希望嗰當地創作新歌!」



馮允謙希望明年去不丹旅行。



曾樂彤

## 曾樂彤唱出成長蛻變

香港文匯報訊 出道一年, 去年頒獎禮上橫掃新人獎的曾樂彤昨日推出新歌《存在》。在樂壇經歷一年時間學習的曾樂彤, 這次不再以以往輕快甜美的聲音演繹, 而是唱出了面對成長的蛻變。除了唱法轉變, 《存在》找來余曠陶作曲、吳奇琦填詞, 亦是新嘗試, 曾樂彤說:「由於大家之前未合作過, 所以都很期待。一收到Demo嘅時候, 自己好鍾意呢個題材, 一聽便愛上。每個人唔同狀態下會對呢首歌有唔同聯法。每一句歌詞都好好有意思, 相信會講中很多年輕人嘅心聲。」

MV拍攝風格與出道以來的都大有不同, 之前的歌曲不論是輕快還是傷感, MV都會拍得較生活化。《存在》MV拍攝選址海水化淡廠, 四周荒蕪空曠, 拍攝現場的佈置亦較為抽象, 類似監獄的場景、樹枝道具等, 曾樂彤說抽象的拍攝不難適應, 最不習慣是「rap」, 「因為拍出來嘅成品是慢鏡唱, 所以拍攝時, 我認導演係用快五至十倍嘅速度去播首歌, 而我要用比rap更快咁唱出嚟, 所以其實最後我都唔係好清楚究竟唱得唔啱個節奏, 哈哈, 呢樣嘢係比較新鮮。」

## 徐天佑一直忙賺錢 擬放多些時間陪妻

香港文匯報訊 (記者 李思穎) 徐天佑昨日出席「GO WILD 出走西澳」活動, 他透露一年前到過澳洲拍攝鐵路特輯, 但那時沒有去西澳, 有機會也想一遊西澳欣賞當地風景。

問他是否渴望接拍旅遊特輯, 他指上次澳洲之行如同拍旅遊特輯, 有時這些行程會較辛苦, 沒有太多時間玩樂, 但只要前後多留幾日, 又可以去到平日很難到達的地方, 也是一件開心事。

問他會否同太太拍旅遊西澳, 他笑說:「太太去是享受, 上次她有一齊去澳洲, 我每日凌晨5、6點便起床準備工作, 拍足十多小時, 太太就自己周圍去, 然後傳相給我, 每日見佢拎住一袋二袋回來話辛苦, 我會問『邊個最辛苦?』, 不過能夠有老婆陪去工作是開心的。」

天佑自言也是剛與太太去完歐洲和埃及金字塔旅行回來, 但只有幾日假期, 行色匆匆, 現在開

始要為8月演出的舞台劇做準備, 暫時先圍讀劇本, 待英國導演來港再排練, 今次反應很好, 已加了3場, 共有13場, 他笑言:「我就提議慶功不要只食飯, 應該請大家去旅行,」問他否有時間「造人」? 他說:「一切隨緣, 這兩年都忙著工作, 年底有3部電影上, 希望賺多些錢, 之後會留多些時間在家庭上。」



徐天佑